



REPUBLIKA E KOSOVËS

KUVENDI I KOMUNËS-VUSHTRRI

**PROCESVERBAL**  
**NGA MBLEDHJA E -X- E RREGULLT E KUVENDIT TË KOMUNËS SË**  
**VUSHTRRIË, MBAJTUR MË 29 DHJETOR 2022**

*Mbledhja është mbajtur në sallën e Kuvendit të Komunës së Vushtrrisë, duke filluar në orën 10:20.*

Në këtë mbledhje ishin të pranishëm anëtarët e Kuvendit të Komunës së Vushtrrisë:

Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Bujar Pllana, Blerina Shala, Edona Gashi, Fakete Dushi, Faton Hyseni, Gentiana Rama, Refik Maloku, Galip Avdiu, Ilmi Azemi, Kushtrim Hyseni, Leonora Gërguri, Lorik Maxhuni, Mek Selaci, Melihate Basholli-Latifi, Mensur Kastrati, Mensur Kasumi, Nurie Halili, Nurten Çerkezi-Gjyshinca, Shkelzen Xhaferi, Sylejman Mehulli, Spasoje Stefanoviq, Ymer Haradinaj dhe Zojë Hajrizi.

**Munguan:** Nasuf Aliu, Fatmire Cecelia, Gresa Muli dhe Mentor Hasani.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallën e kuvendit, ka kuorum të mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe kryetari i komunës z.Ferit Idrizi, nënkryetari i komunës z. Shpëtim Zhegrova, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

**Melihate Basholli-Latifi-kryesuese e kuvendit**-pasi i përshëndeti të pranishmit prezantoi para kuvendit iniciativën e Qendrës Gjenocidi në Kosovë “Plagë e Hapur” e drejtuar nga veprimtari i çështjes kombëtare z.Bardhyl Mahmuti i cili i është drejtuar institucioneve shtetërore dhe forcave politike në Kosovë që “Lulëkuqja me katër Petale” të bëhet simbol unik i përkujtimit të gjenocidit në Kosovë. Lulëkuqja e propozuar për të përfaqësuar gjenocidin këtë plagë të hapur, është simbol unik, ashtu siç është unike edhe sakrificat sublime e kombit tonë. Këtë nismë ajo e ka mbështetur publikisht përmes rrjeteve sociale dhe jo vetëm dhe është përpjekur që e njëjta të ketë sa më shumë përkrahës. Kjo qendër i është drejtuar me kërkesë e që të njëjtën e ka pranuar edhe kryetari i komunës, dhe pasi analizuan arsyetimin që e shoqëron kërkesën si dhe pas konsultimeve me grupin kuvendar të PDK-së dhe pasi që jemi në vigjilje të 15 janarit si datë që përkujton gjenocidin në Kosovë, propozoi në emër të grupit kuvendar të PDK-së të futet si pikë shtesë deklarata që Lulëkuqja me Katër Petale të bëhet simbol unik përkujtimor i gjenocidit në Kosovë.

**Refik Maloku, anëtar i kuvendit**-tha se siç edhe jemi në dijeni që mbledhjen e mbajtur para dy muajsh grupet kuvendare të LVV-së dhe të LDK-së e kishin lëshuar mbledhjen në mënyrë simbolike si reagim ndaj zhvillimeve që kishin ndodhur në mbledhjen e muajit tetor, ku është shkelur e drejta elementare e njeriut e drejta për të votuar. Nga ato zhvillime kaluan dy muaj dhe

asnjë veprim, asnjë komunikatë dhe asnjë vendim në lidhje me shkeljet që janë bërë në këtë kuvend. Ata kanë qenë prezent kur kanë ndodhur së paku tri shkelje në atë mbledhje e para është votuar në emër të dikujt tjetër, pastaj janë nxitur nga nënkryetari i komunës veprimet e tilla, dhe e treta kryesuesja e kuvendit e ka monitoruar këtë çështje dhe nuk ka pasur asnjë reagim prej saj dhe njëfarë formë kjo çështje ka ndodhur me bekimin e saj. Andaj të gjithë e dimë se këto veprim janë të dënueshme me ligj dhe për këtë një grup kuvendar ka bërë kallëzim penal për këto veprime. Por kuvendi i ka disa mundësi që duhet të ushtroj, kuvendi nuk mundet të veproj ndaj nënkryetari i cili është i caktuar nga kryetari i komunës, nuk mund të veprohet ndaj asamblistëve që janë të zgjedhur, por kuvendi ka të drejtë të veproj ndaj kryesueses së kuvendit e cila nuk ka ndërmarr asnjë masë dhe nuk ka bërë asnjë prononcim publik deri tani për veprimet e ndërmarra. Kryesuesi i kuvendit është një organ i cili e përfaqëson kuvendin, dhe nëse kryesuesja e kuvendit nuk mund ta përfaqësojë denjësisht kuvendi, atëherë ajo nuk mund ta ushtoj më tutje këtë pozitë. Kësisoj duke marrë për bazë këto të gjetura dhe zhvillime ai propozoi që të futet në rend të ditës propozimi i votëbesimit apo shkarkimi i kryesueses së kuvendit.

**Ilmi Azemi, anëtar i kuvendit**-lidhur me diskutimin dhe propozimin e parafolësit të tij, vlerësoi se ai asnjëherë më parë nuk kishte kërkuar shkarkimin e kryesueses së kuvendit, por duke marrë për bazë shkeljet dhe lëshimet që kanë ndodhur muaj më parë, dhe duke marrë parasysh mos mundësinë e menaxhimit të duhur të seancave të kuvendit, por edhe punët tjera me shkresat zyrtare dërguar institucioneve tjera. Pastaj duke marrë për bazë që deputetja Melihate Basholli, ka dhënë një kontribut të çmuar në disa mandatet konsideron se ajo akoma mundet të japë kontribut si deputet por jo në pozitën e kryesuese së kuvendit. Më tej shtoj se vota e tij e ka vendosur në pozitën e kryesueses së kuvendit, dhe kësisoj ai vlerëson se deputetja Basholli-Latifi më nuk mund të qëndroj në pozitën e kryesuese së kuvendit, andaj deklaroi se nëse futet në rend të ditës vota e tij do të jetë <per> shkarkimin e saj nga pozita e kryesueses së kuvendit.

**Adnan Lahu, anëtar i kuvendit**-tha se shoqëria jonë funksionon mbi bazat e demokracisë, andaj nuk ka asgjë të keq nëse futet në rendin e ditës propozimi për votëbesimin e kryesuese së kuvendit. Janë anëtarët e kuvendit ata që i japin kahje me votë çështjes së pozitës së kryesuese së kuvendit, andaj një propozim të tillë e përkrahin si grup kuvendar.

**Ferit Idrizi, kryetar i komunës**-në adresimin e tij para anëtarëve të kuvendit, falënderoj gjithë qytetarët e Vushtrrisë, anëtarët e kuvendit dhe gjithë zyrtarët tjerë komunal, në rastin e fund vitit, duke shtuar se ishte një vit vërtetë shumë sfidues për shkak të krizës globale ekonomike që e preku edhe vendin tonë Republikën e Kosovës dhe në këtë rast edhe komunën tonë. Në veçanti ai falënderoj anëtarët e kuvendit për siç kontributin e tyre për aprovimin e statutit të komunës, miratimin e buxhetit të komunës dhe një mori të akteve tjera të rëndësishme për funksionimin dhe zhvillimin e komunës tonë. Lidhur me propozimin për votëbesimin e kryesueses së kuvendit, ceku se askush nuk është i paprekshëm në pozitat publike, por megjithatë kërkoj që pasi jemi në seancën e fundit të këtij viti mos të futet ky propozim që jepet shije e keqe këtij fund viti. Kërkoj mirëkuptimin e gjithë kuvendarëve që ky propozim të shtyhet për ndonjëherë nga mbledhje e ardhshme të kuvendit duke u respektuar edhe procedurat ligjore. Në fund edhe njëherë apeloj për bashkëpunim dhe kritikë të shëndosh, dhe po ashtu kërkoj në fund të jeni në një drekë të përbashkët pas përfundimit të mbledhjes së kuvendit duke uruar njëri tjetrin për fund vit.

**Ilmi Azemi, anëtar i kuvendit**-tha se pikërisht diskutimi i kryetarit të komunës është shkas për iniciimin e procedurës për shkarkimin e kryesuese së kuvendit, pasi që kryesuesja nuk është duke e kryer punën e saj mirë në menaxhimin e seancave të kuvendit, kjo edhe për faktin se anëtarët e kuvendit debatojnë për çështje ekskluzive të kuvendit siç është shkarkimi i kryesueses së saj dhe del në foltore kryetari i komunës e bënë thirrje për mos votimin e këtij mocioni, dhe kjo nuk është

e drejt e kryetarit të komunës sepse kuvendi është i ndarë nga ekzekutivi i komunës. Tutje shtoi se nuk i takon kryetari të komunës të ndërhyj në punët e kuvendit sepse kjo paraqet shkelje flagrante dhe nuk i shërben askujt. Pastaj shtoi se keqpërdorimi i kryesueses së kuvendit nga ekzekutivi po bëhet me bekimin e saj sepse ajo vet e ka lejuar një gjë të tillë në vazhdimësi dhe i'u ka krijuar komoditet për një trajtimi të tillë të saj. Një qasje e tillë nuk i shërben askujt dhe askujt nuk i bënë nder veçanërisht kryesueses së kuvendit. Në fund kërkoi që të hedhet në votim propozimi për votëbesimin e kryesueses së kuvendit dhe nëse një propozim i tillë i merr votat e nevojshme le te procedohet me tutje.

**Refik Maloku, anëtar i kuvendit**-kërkoj nga kryetari i komunës që raportet ndërnjerëzore dhe ato politike ti ndaj dhe asnjëherë të mos përzihen. Pastaj shtoi se miq edhe shok ka në të gjitha subjektet politike, por këtu duhet të ndahen këto raporte sepse bëhet fjalë për çështje zyrtare, kërkoi nga kryesuesja e kuvendit që mos të lejoj që kryetari dhe nënkryetari i komunës të interferojë në punën e kryesueses së kuvendit. Bile propozoi që kryetari dhe nënkryetari i komunës ta lëshojnë mbledhjen deri sa të vendoset për propozimin e votëbesimit.

**Lorik Maxhuni, anëtar i kuvendit**-në lidhje me propozimin e anëtarit të kuvendit z.Refik Maloku për votëbesimin e kryesueses së kuvendit, deklaroi se duhet të jemi të qartë dhe ti kujtojmë disa sekuenca edhe nga vitet e kaluara por edhe gjatë këtij vitit, dhe beson se kishte me qenë mirë që të përgëzohet kryesuesja e kuvendit për punën e saj që ka bërë ku gati të gjitha pikat e rendit të ditës kanë kaluar në formë unanime, respekti ka qenë maksimal ndaj opozitës, askujt nuk i është mohuar fjala të gjithë kanë pasur kohen dhe momentumin e kërkuar. Ky kuvend është udhëhequr në mënyrën më të mirë të mundshme nga kryesuesja e kuvendit znj. Basholli-Latifi dhe konsideron se nuk është momenti i duhur që të shfrytëzohet ndoshta raporti i fuqisë së numrave që mendohet se i kanë për ta shkarkuar kryesueses e kuvendit. Lidhur me pretendimet për zhvillimet më herët në kuvend opozita iu është drejtuar instancave gjyqësore, dhe është mirë që kjo çështje ti lihet organeve gjyqësore sepse PDK beson në gjyqësorin e Kosovës për kundër të tjerëve. Tutje shtoi se ai e njeh integritetin e znj. Basholli-Latifi, dhe beson se nëse ndonjë vendim i saj bie ndesh me kornizën ligjore të Republikës së Kosovës e që vërtetohet nga instancat gjyqësore, kryesuesja e kuvendit do ti marrë vet përgjegjësit e saj pa pasur fare nevojë të shkohet në votëbesim. Mandej rikujtoj se edhe anëtari i LVV-së në mandatin e kaluar ka qenë kryesues i kuvendit dhe atëherë PDK i ka pasur numrat për ta shkarkuar atë por nuk e ka marr një veprim të tillë edhe pse e kishte atë mundësi. Në fund tha se beson se ky nuk është momenti më i duhur për atë që po kërkohet dhe vlerësoi se kjo nuk i shërben askujt e as opozitës sepse edhe nëse e shkarkon kryesuesen e kuvendi, politikisht asgjë nuk përfiton as opozita dhe kësaj duhet thënë se PDK është e vendosur që mandatin ta qoj deri në fund, andaj në emër të PDK-së i falënderoj të gjithë për bashkëpunimin, andaj kërkoi nga z.Refik Maloku që ta tërheq propozimin.

**Faton Hyseni, anëtar i kuvendit**-në emër të grupit kuvendar të AAK-së, deklaroi se nuk e përkrahin propozimin për votimin e mocionit të votëbesimit ndaj kryesueses së kuvendit dhe njëherazi falënderoj kryesuesen e kuvendit për punën e mirë që ajo ka bërë. Ajo ka udhëhequr suksesshëm kuvendi dhe pikat e rendit të ditës kanë kaluar pa problem duke spikatur se është aprovuar statutin dhe buxhetin e komunës. Ai e falënderoj kryesuesin e kuvendit dhe i uroj suksese në punën e saj për këto vite mandat sa i kanë mbetur.

**Refik Maloku, anëtar i kuvendit**-kërkoj që të del në votim propozimi për votimin e mocionit të votëbesimit ndaj kryesueses së kuvendit, duke deklaruar se nuk tërhiqet nga propozimi i tij.

**Melihate Basholli-Latifi, Kryesuese e Kuvendit**-tha se është dashur që gjithë anëtarët e kuvendit ta dinë dhe të jenë në njohuri për normat që janë të përcaktuara me statutin e komunës që rrjedhin nga neni 26 i tij e që i referohen shkarkimit të kryesuesit/es në vijim ajo lexoj para anëtarëve të

kuvendit dispozitat e nenit 26 të statutit të komunës: 1.Kryesuesi/ja i/e Kuvendit mund të shkarkohet me votat e më tepër se 50% plus një votë, të numrit të përgjithshëm të anëtarëve të Kuvendit.

2.Kërkesën për shkarkim të Kryesuesit/es të Kuvendit të komunës mund ta bëjë me shkrim dhe nënshkrimet e së paku një të tretat (1/3) e numrit të përgjithshëm të anëtarëve të Kuvendit të komunës, së paku dhjetë (10) ditë para mbajtjes të mbledhjes së rregullt.

3.Lidhur me shqyrtimin e kërkesës nga paragrafi 2 i këtij neni, vendos Kuvendi i komunës me shumicën e votave të anëtarëve të zgjedhur të Kuvendit.

4.Votimi për shkarkimin e Kryesuesit/es bëhet me votim të fshehtë.

5.Të gjitha procedurat tjera për shkarkim rregullohen me Rregulloren e punës të Kuvendit.

Tutje deklaroi se vet si njerëz jemi të përkohshëm në këtë jetë, e po ashtu edhe në pozitat tona dhe në punët tona jemi të përkohshëm. Është përpjekur dhe do të përpiqet që të punoj në bazë të legjislacionit në fuqi, andaj kërkoj edhe nga anëtarët e kuvendit ti respektojnë dispozitat në fuqi, duke e pruar me kohë këtë propozim në kuvend dhe pa problem ai do ta merr epilogun e duhur.

**Sylejman Mehulli, anëtar i kuvendit**-lidhur me çështjen që u ngrit përkujtoj se është në kompetencën e anëtarëve të kuvendit që të propozoj para kuvendit propozime që të futen në rend të ditës, dhe kryesuesja e kuvendit është e obliguar që ti hedh në votim, për ti inkorporuar në rendin e ditës. Nuk mund të propozosh diçka e të futet në rendit të ditës dhe tjetrit të i'a mohosh këtë të drejtë. Propozimet e bëra në kuvend janë procedura demokratike, dhe pavarësisht kush i bënë ato nuk do të thotë se epilogu është se ato aprovohen. Deri tani u trumbetua se gjatë viti janë miratuar çështje më interes të përgjithshëm e që janë përkrahur edhe nga opozita, ndërsa tani kur opozita propozon diçka përnjëherë opozita bëhet e "keq" kjo nuk funksionon kështu, propozimet janë mjete demokratike dhe nuk mund të paragjykohet epilogu përfundimtar i kësaj çështje. Duhet të kemi përqendrim për vendimin që po provoni ta merrni sepse më herët u kërkuar që kjo çështje të shtyhet për mbledhjen e radhës dhe tani na thuhet se nuk kemi drejt ligjore të votojmë për këtë çështje.

**Melihate Basholli-Latifi, Kryesuese e Kuvendit**-tha se bazuar në statutin e komunës nuk kemi të drejtë që të votojmë sot për mocion mosbesimi ndaj kryesueses së kuvendit, por kjo nuk do të thotë se mohon vullnetin e kuvendit, për sqarime më profesionale kërkoj mendimin e zyrës ligjore të komunës.

**Ismet Gashi, udhëheqës i zyrës ligjore të Komunës**-deklaroi se nuk ka çfarë ti shtoj nenit 26 të statutit të komunës që e citoj kryesuesja e kuvendit sepse është normë obliguese, por është ky statut i komunës i aprovuar nga kuvend që nganjëherë po tentohet të shmanget dhe kjo nuk është e drejt. Më tej shtoi se Ligji për Vetëqeverisje Lokale, nuk e rregullon çështjen e shkarkimit të kryesueses së kuvendit, ne e kemi rregulluar këtë çështje me statut dhe përderisa Është kështu duhet ti përmbahemi.

**Faton Hyseni, anëtar i kuvendit**-duke ju referuar dispozitave të statutit të komunës deklaroi se çështja e votëbesimit të kryesuese së kuvendit nuk mund të procedohet në rend dite sot, sepse është kundër-statutare, sepse për ta proceduar këtë çështje nevojite me sa vijon: *Kërkesën për shkarkim të Kryesuesit/es të Kuvendit të komunës mund ta bëjë me shkrim dhe nënshkrimet e së paku një të tretat (1/3) e numrit të përgjithshëm të anëtarëve të Kuvendit të komunës, së paku dhjetë (10) ditë para mbajtjes të mbledhjes së rregullt.*

**Adnan Lahu, anëtar i kuvendit**-tha se në mbledhjen e kaluar jashtë dispozitave të statutit të komunës u procedua dhe u votua një çështje që lidhet me ngritjen e lapidarit në fshatin Pasomë për "Adem Vocen", bile kishte diskutime që ranë në kundërshtim me zyrën ligjore, dhe po i njëjti kuvend e votoj atë pikë në kundërshtim të plotë me statutin e komunës, andaj nëse është gabim ajo

se çfarë sot po propozojnë anëtarët e kuvendit, ekziston një shkallë e dytë që quhet MAPL, e cila i kontrollon komunitat e Kosovës, dhe nëse ky vendim është i kundërligjshëm atëherë ministria do rikthejë këtë vendim. Prandaj kërkoj që të përfilllet vullneti i kuvendit duke votuar propozimin, në të kundërtën le të deklarohet qeveria se kur duhet ta respektojmë ne si kuvend statutin dhe atëherë jemi në rregull vetëm letë thuhet në këtë formë.

**Ilmi Azemi, anëtar i kuvendit**-tha se ne morëm mendimin e zyrës ligjore, por shtoj se neni 26 i statutit përcakton vetëm mënyrën për iniciativat e grupeve të caktuar brenda kuvendit, ndërsa e drejtë ekskluzive e çdo anëtar i kuvendit është me propozuar mocionin e mosbesimit të kryesueses në çdo seancë pa pasur nevojë të mblidhen nënshkrimet, dhe për tu realizuar kjo duhet që me shumicë të thjeshtë të votave të konfirmohet se shkon tutje propozimi apo nuk procedohet më tej. Në rastin konkret kemi një propozim të bazuar në ligj i cili nuk është në kundërshtim me statutin e komunës dhe i njëjti duhet të procedohet për votim për inkorporim në rendin e ditës. Andaj është demokratike që të votohet ky propozim pa u frikësuar nga asgjë sepse zgjedhja dhe shkarkimi bëhet me vota të anëtarëve të kuvendit.

**Melihate Basholli-Latifi, Kryesuese e Kuvendit**-tha se nuk ka frikë prej askujt, dhe shtoi se ajo mori konfirmimin e zyrës ligjore, për ligjshmërinë e propozimit, andaj ajo do ta respektoj statutin dhe kërkoj nga secili anëtar i kuvendit që ta bëjë një gjë të tillë.

**Pas debateve lidhur me pikat e rendit të ditës të procedura në pikën në të ndryshme kuvendi pas votimit me 12 vota “për”, 6 vota “kundër” të tjerët nuk morën pjesë në votim e futi në rend dite Deklaratën që Lulëkuqja me Katër Petale të bëhet simbol i gjenocidit në Kosovë.**

Në vijim të mbledhjes disa nga anëtarët e grupeve kuvendare të PDK-së, LDK-së LVV-së dhe, lëshuan sallën e mbledhjes dhe atë si më poshtë:

Ilmi Azemi, Adnan Lahu, Agim Bregaj, Agron Përçuku, Bujar Pllana, Edona Gashi, Gentiana Rama, Refik Maloku, Leonora Gërguri, Mek Selaci, Shkelzen Xhaferi, Sylejman Meholli dhe Ymer Haradinaj.

Në sallë ishin të pranishëm 18 anëtarë të kuvendit, andaj kryesuesja e kuvendit konstatoj se ka kuorum të mjaftueshme për vazhdimin e punimeve të mbledhjes dhe për marrjen e vendimeve të plotfuqishme.

**Në fund të debatit jashtë rendit të ditës dhe për rendin e ditës, kuvendi pas votimit me 17 vota “për” 1 votë “kundër” aprovoi këtë:**

## **R E N D I T E**

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 24 nëntor 2022;
2. Shqyrtimi i Draft – Planit të Punës së Kuvendit të Komunës për vitin 2023;
3. Shqyrtimi i Draft – Planit të Punës së Kryetarit të Komunës për vitin 2023;
4. Shqyrtimi i Draft – Rregullores për Ndryshimin dhe Plotësimin e Rregullores për Përcaktimin e Kriteve të Ndarjes së Mjeteve Financiare nga Fondi për Transfere dhe Subvencione Personave Juridikë – OJQ dhe Ndihmë Momentale Personave Fizikë;

5. Shqyrtimi i Draft – rregullores për ndryshimin dhe plotësimin e Rregullores për Ndarjen e Bursave për Studentë, Nxënës dhe Shpërblime për Nxënës nr. 45/20 e datës 28.5.2020;
6. Shqyrtimi i Draft – rregullores për ndryshimin dhe plotësimin e Rregullores për Menaxhimin e Mbeturinave në Komunën e Vushtrrisë;
7. Shqyrtimi i Propozim – Vendimit për caktimin e lartësisë së pagesës për fëmijë parashkollorë në çerdhen e fëmijëve “Foleja” në Vushtrri;
8. Shqyrtimi i Nismës për bashkëpunim ndërkomunal në mes të Komunës së Vushtrrisë, Mitrovicës dhe Skënderajt;
9. Shqyrtimi i Raportit për zbatimin e Planit të Integritetit për vitin 2022;
10. Shqyrtimi i Informatës për shërbimet sociale dhe të asistencës në Komunën e Vushtrrisë;
11. Shqyrtimi i Propozim – vendimit për aprovimin e listës për dhënien në shfrytëzim afatshkurtër të pronës së paluajtshme të komunës për vitin 2023;
12. Shqyrtimi i Propozim – vendimit për aprovim të Planit Lokal për Veprim në Mjedis për Komunën e Vushtrrisë 2022 – 2026;
13. Shqyrtimi i Propozim – vendimit për shfuqizimin e vendimit të Kuvendit të Komunës të Komunës së Vushtrri me numër të protokollit Nr.236/20 i datës 26.11.2020 për caktimin e lokacionit për ndërtimin e objektit të Kryqit të Kuq Dega në Vushtrri;
14. Shqyrtimi i Propozim – vendimit për caktim të lokacionit për ndërtimin e objektit të Kryqit të Kuq;
15. Shqyrtimi i Propozim – vendimit për ndryshimin e vendimit me numër të protokollit Nr.192/22 i datës 28.07.2022, për zhvillimin e projektit me bashkëfinancim;
16. Shqyrtimi i Planit të Punës së Këshillit Komunal për Siguri në Bashkësi për vitin 2023;
17. Shqyrtimi i Deklaratës që Lulëkuqja me Katër Petale të bëhet simbol i gjenocidit në Kosovë;
18. Të ndryshme.

1. Shqyrtimi dhe aprovimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 24 nëntor 2022;

**Pas shqyrtimit të kësaj pike të rendit të ditës, Kuvendi me 18 vota “për” aprovoi procesverbalin nga mbledhja e rregullt e Kuvendit të Komunës së Vushtrrisë, mbajtur më datë 24 nëntor 2022.**

2. Shqyrtimi i Draft – Planit të Punës së Kuvendit të Komunës për vitin 2023;

**Pas shqyrtimit të kësaj pike të rendit të ditës, Kuvendi pas votimit me 17 vota “për”, 1 votë “kundër”, aprovoj Planin e Punës të Kuvendit të Komunës së Vushtrrisë për vitin 2023.**

3. Shqyrtimi i Draft – Planit të Punës së Kryetarit të Komunës për vitin 2023;

**Pas shqyrtimit të kësaj pike të rendit të ditës, Kuvendi pas votimit me 18 vota “për” sa edhe ishin të pranishëm në sallën e mbledhjes, aprovoj Planin e Punës të Kryetarit të Komunës për vitin 2023.**

4. Shqyrtimi i Draft – Rregullores për Ndryshimin dhe Plotësimin e Rregullores për Përcaktimin e Kriteve të Ndarjes së Mjeteve Financiare nga Fondi për Transfere dhe Subvencione Personave Juridikë – OJQ dhe Ndihmë Momentale Personave Fizikë;

**Ferit Idrizi, kryetar i komunës-falënderoj** komisionin për punën që kanë bërë në hartimin e kësaj rregulloreje, por edhe të rregullores për ndarjen e bursave për studentët, dhe shtoj se më që kjo pikë ka hyrë në rendin e ditës, le të diskutohet ashtu që le ti merr imputet e nevojshme, por kërkoj që këto dy draft-rregullore të kthehen edhe njëherë për korrigjim dhe plotësim në disa aspektet të tyre. Ai kërkoj që këto dy draft-rregullore të mos aprovohet sot për në mbledhjen e radhës.

**Pas shqyrtimit të kësaj pike të rendit të ditës, Kuvendi pas votimit me 17 vota “për”, 1 votë “kundër”, vendosi që Draft-rregullorja për Ndryshimin dhe Plotësimin e Rregullores për Përcaktimin e Kritereve të Ndarjes së Mjeteve Financiare nga Fondi për Transfere dhe Subvencione Personave Juridikë – OJQ dhe Ndihmë Momentale Personave Fizikë të mos aprovohet (shtyhet për mbledhjen e radhës).**

5. Shqyrtimi i Draft – rregullores për ndryshimin dhe plotësimin e Rregullores për Ndarjen e Bursave për Studentë, Nxënës dhe Shpërblime për Nxënës nr. 45/20 e datës 28.5.2020;

**Galip Avdiu, anëtar i kuvendit-** pasi i përshëndeti të pranishmit tha se ndryshimi i rregullores për dhënien e bursave për student, nxënës dhe shpërblime për nxënës, është pa si e nevojshme dhe e domosdoshme me të vetmen arsye që përkrahja e studentëve dhe nxënësve të jetë sa më e madhe dhe efektive në kohë të caktuar. Qeverisja aktuale nën udhëheqjen e kryetarit Ferit Idrizi, ashtu siç është premtuar, e ka prioritet mbi çdo prioritet përkrahjen e rinisë, përkrahjen e studentëve, përkrahjen e nxënësve, shpërblimin e atyre që garojnë e që tregojnë rezultate. Këtë e ka dëshmuar edhe viti që po e lëmë pas, u rrit numri i bursave, u dhanë shpërblime për nxënësit garues të niveleve të ndryshme. Mirëpo, rregullorja e deritashme i ka pasur pengesat e veta, e pikërisht për këtë arsye edhe po bëhet ndryshimi i saj. Si pasojë në vitin që po e lëmë pas, dy herë u dashtë me hap konkurs për dhënien e bursave, e kjo për arsye se rregullorja e kufizonte mundësinë që vetëm studentët me notën mesatare mbi 8, me qenë përfitues të bursës. Rregullorja e re e rregullon këtë pengesë dhe ju jep mundësi që përfitues të jenë edhe studentët me notë mesatare nën 8, por natyrisht gara do jetë e hapur e përfitues do jenë më të mirët. Me gjitha pengesat që kishte kjo rregullore për bursa e shpërblime, në vitin që po e lëmë pas, u ndan mese 70 bursa për studentë, e afër 40 shpërblime për nxënës meritore, që ishin pjesë e garave të shumta që u organizuan në nivel komunal e republikan. Nuk janë shumë, por janë më shumë se viteve të kaluara. E nuk janë të mjaftueshme, por qeverisja jonë me në krye kryetarin Ferit Idrizin jemi shumë të interesuar që rininë, studentët e nxënësit ti përkrahim e motivojmë në rrugën e dijes. Të nderuar, për aq sa e kuptova në komisionin për plotësim-ndryshimin e rregullores kanë marr pjesë edhe jurist, e unë fare nuk kam dyshim në profesionalizmin e tyre. Megjithatë, ka disa çështje ku mendoj që nuk e kanë vendin në rregullore, e po ashtu disa pika edhe ti bashkëngjiten. Bie fjala, Neni 5, pika 14 thotë: Studenti i cili i përket komuniteteve jo shumicë vlerësohet me 5 pikë. Pse duhej bërë dallime të studentëve garues për bursa mbi baza etnike. Mendoj që kjo pikë është e panevojshme. Në Republikën e Kosovës të gjithë qytetarët, pra edhe studentët duhet trajtuar barabartë, nuk ka privilegje, sepse duke ju dhënë privilegje, disa nga ta po lazdohen e nuk po njohin realitetin ekzistues në Kosovë. Madje jo vetëm për bursa, por edhe për pranim të studentëve në Universitetin e Prishtinës (edhe pse kjo nuk është në kompetencën e komunës), po krijon një standardë të dyfishtë, e anashkalon garën, e aq më keq nxit studentët e komunitetit shumicë, që për ti realizuar qëllimet e tyre, të aplikojnë me kuotën e studentëve nga komuniteti pakicë.

Në rregulloren e re, nuk e di sa ju ka dhënë mundësia që përfitues të bursave me qenë edhe studentët e studimeve master. Me sa e pashë unë jo. Tashmë është e domosdoshme mi pas të mbaruara studimet master, madje në disa institucione as që mundesh me u punësua pa e mare këtë kualifikim. Po ashtu vlen të theksohet se edhe studentët dhe nxënësit që studiojnë jashtë vendit, kanë nevojë të përkrahen nga institucionet tona, e nuk e di kjo rregullore a ju ka dhanë mundësi me pas ata këtë të drejtë. Në një nga seancat pata propozuar që të ndahen së paku 10 mi euro për bursa studentëve jashtë vendi, por kjo rregullore me gjasë do të del si pengesë, nëse nuk e ndryshojmë. Një çështje tjetër që kisha propozuar është edhe mundësia që në fondin për bursa e shpërblime të kontribuojnë edhe bizneset. Pse mos të krijohet një fond shumë më i madh. Besoj që edhe bizneset do jenë të gatshme për ti përkrahur studentët dhe nxënësit meritot. Mjafton të mos ketë pengesa në këtë drejtim, të krijohen mundësi bashkëpunimi me bizneset dhe rezultatet do jenë evidente. Kërkoj nga komisioni që ti merr parasysh këto sugjerime dhe ti inkorporojë në rregullore.

**Melihate Basholli-Latifi, Kryesuese e Kuvendit**-propozoi që tek neni 5 ku riformulohet neni 10 me sa vijon: pas pikës 5 të shtohet edhe <të kenë të drejt të konkurrojnë edhe studentet me notën 6 >, pastaj mendon se nuk duhet të kemi ndarje në komunitete sepse kjo nuk i bënë nder asnjërit prej komuniteteve në diskriminimin pozitiv siç edhe janë në realitet. Gjithashtu propozoi që të shtohet: studentet gra që janë edhe nëna të vlerësohen me dhjetë (10) pikë shtesë.

**Bekim Zabërgja, anëtar i kuvendit**-propozoi që tek neni 5 i kësaj draft-rregulloreje pika 7 fëmijët e të burgosurve politik që konkurrojnë për përfitim të bursës të jenë të barabartë me pikë sikurse tek pika 6 tek fëmijët e që kanë prindërit dëshmorë (të kemi kritere të njëjta).

**Pas shqyrtimit të kësaj pike të rendit të ditës, Kuvendi pas votimit me 18 vota “për”, vendosi që Draft-rregullorja për ndryshimin dhe plotësimin e Rregullores për Ndarjen e Bursave për Studentë, Nxënës dhe Shpërblime për Nxënës nr. 45/20 e datës 28.5.2020, të mos aprovohet (shtyhet për mbledhjen e radhës).**

6. Shqyrtimi i Draft – rregullores për ndryshimin dhe plotësimin e Rregullores për Menaxhimin e Mbeturinave në Komunën e Vushtrisë;

**Pas shqyrtimit të kësaj pike të rendit të ditës, Kuvendi pas votimit me 16 vota “për”, 2 vota “abstenim” aprovoj Rregulloren për ndryshimin dhe plotësimin e Rregullores për Menaxhimin e Mbeturinave në Komunën e Vushtrisë.**

7. Shqyrtimi i Propozim – Vendimit për caktimin e lartësisë së pagesës për fëmijë parashkollorë në çerdhen e fëmijëve “Foleja” në Vushtri;

**Melihate Basholli-Latifi, Kryesuese e Kuvendit**-propozoi që tek pika 2 e këtij propozim-vendimi të shtohet paragrafi <qifti që ka dy fëmijë në çerdhe, për fëmijën e dytë pagesa të jetë 40 €, për fëmijën e tretë pagesa të jetë 30 €, ndërsa për fëmijën e katërt të lirohet nga pagesa>. Pastaj të shtohet lirohen nga pagesa fëmijët e nënave studente dhe nënave-vetëushqyese, që njëkohësisht janë të papuna dhe me gjendje jo të mirë ekonomiko-sociale.

**Bekim Zabërgja, anëtar i kuvendit**-propozoi që kjo pikë e rendit të ditës të shtyhet për një periudhë prej 6 muajsh, për shkak të gjendje së rënd socio-ekonomike dhe krizës me inflacionin e larët që po mbretëron në rrethanat aktuale që po jetojmë. Andaj propozimi i tij është që çmimorja për shërbimet e çerdhes publike të jetë ashtu siç është deri tash deri në tejkalimin e kësaj gjendje.



**Pas shqyrtimit të kësaj pike të rendit të ditës, Kuvendi pas votimit me 17 vota “për”, 1 votë “abstenim” vendosi që vendimi për caktimin e lartësisë së pagesës për fëmijë parashkollorë në çerdhen e fëmijëve “Foleja” në Vushtrri, të mos e aprovojë, (të shtyhet për një periudhë prej 6 muajsh, për shkak të krizës ekonomike që po mbretëron).**

8. Shqyrtimi i Nismës për bashkëpunim ndërkomunal në mes të Komunës së Vushtrrisë, Mitrovicës dhe Skënderajt;

**Pas shqyrtimit të kësaj pike të rendit të ditës, Kuvendi pas votimit me 17 vota “për”, 1 votë “abstenim” vendosi me sa vijon:**

1. Me këtë vendim miratohet nisma e Kryetarit të Komunës së Vushtrrisë 02Nr.1618/22 datë 07.12.2022 për bashkëpunim ndër komunal në mes të Komunës së Vushtrrisë, Komunës së Mitrovicës së Jugut dhe Komunës së Skënderajt.

2. Autorizohet Kryetari i Komunës së Vushtrrisë që pas konsultimeve me Kryetarin e Komunës së Mitrovicës së Jugut dhe Skënderajt të përgatis Draft Marrëveshjen e Mirëkuptimit për menaxhimin e integruar të mbeturinave për këto tri komuna.

3. Draft marrëveshja e hartuar në tekstin final, i dërgohet Kuvendit të Komunës për shqyrtim dhe miratim bazuar në procedurat e caktuara ligjore.

4. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

9. Shqyrtimi i Raportit për zbatimin e Planit të Integritetit për vitin 2022;

**Pas shqyrtimit të kësaj pike të rendit të ditës, Kuvendi pas votimit me 14 vota “për”, 2 vota “kundër” të tjerat “abstenim”, aprovoj Raportin për zbatimin e Planit të Integritetit për vitin 2022.**

10. Shqyrtimi i Informatës për shërbimet sociale dhe të asistencës në Komunën e Vushtrrisë;

11. Shqyrtimi i Propozim – vendimit për aprovimin e listës për dhënien në shfrytëzim afatshkurtër të pronës së paluajtshme të komunës për vitin 2023;

**Bekim Zabërgja, anëtar i kuvendit**-tha se në muajin qershor e kemi aprovuar listën për dhënien në shfrytëzim për 18 parcela, dhe pyeti se a është proceduar shpallja e ankandit për dhënien e këtyre pronave në shfrytëzim.

**Ali Januzi, anëtar i kuvendit**-tha se meqë opozita lëshoj mbledhjen, dhe kjo është shumë shqetësuese, kërkoj që pika e 11 e rendit të ditës Propozim – vendimi për aprovimin e listës për dhënien në shfrytëzim afatshkurtër të pronës së paluajtshme të komunës për vitin 2023, të shtyhet për mbledhjen e radhës, kur do të jenë prezentë edhe anëtarët e kuvendit nga opozita. Në të kundërtën opozita do ta përdor këtë si alibi për ta kontestuar këtë pikë sepse është vendosur pa prezencën e opozitës.

**Ismet Gashi, udhëheqës i zyrës ligjore të Komunës**-tha se përkundër fakti se opozita lëshoj mbledhjen, është obligim ligjor i komunës që deri më datën 31.12.2022 të aprovoj listën për dhënien në shfrytëzim afatshkurtër të pronës së paluajtshme të komunës për vitin 2023, dhe e njëjta

duhet të publikohet në faqen zyrtar të Komunës së Vushtrris, andaj kjo pikë e rendit të ditës nuk mund të shtyhet sepse është e afatizuar për aprovim.

**Pas shqyrtimit të kësaj pike të rendit të ditës, Kuvendi pas votimit me 18 vota “për”, vendosi me sa vijon:**

1. Me këtë vendim aprovohet propozimi i Kryetarit të Komunës së Vushtrrisë për publikimin e Listës së pronave të Komunës së Vushtrrisë për dhënien në shfrytëzim për vitin 2023.

2. Pronat e përshkruara në listë mund të jepen në shfrytëzim vetëm pas plotësimit të kushteve ligjore dhe planifikimit në bazë të Planit Zhvillimor Komunal dhe dokumenteve të tjera të planifikimit.

3. Me qëllim të nxitjes të zhvillimit ekonomik, rritjen e vlerës së pronës si dhe shtimin e vendeve të punës në harmoni me planifikimet e komunës, Komuna e Vushtrrisë në të ardhmen planifikon të jep në shfrytëzim pronën e komunës dhe në varësi nga interesi publik të zhvillon procedurat për dhënien në shfrytëzim të pronës së komunës.

4. Pjesë përbërëse e këtij vendimi është lista e pronave të Komunës së Vushtrrisë për dhënien në shfrytëzim për vitin 2023.

5. Për zbatimin e këtij vendimi obligohen: Kryetari i Komunës si dhe Drejtoria për Gjeodezi, Kadastër dhe Pronë.

6. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

12. Shqyrtimi i Propozim – vendimit për aprovim të Planit Lokal për Veprim në Mjedis për Komunën e Vushtrrisë 2022 – 2026;

**Pas shqyrtimit të kësaj pike të rendit të ditës, Kuvendi pas votimit me 18 vota “për”, vendosi me sa vijon:**

1. Me këtë vendim miratohet Plani Lokal për Veprim në Mjedis për Komunën e Vushtrrisë 2022-2026.

2. Për zbatimin e këtij Plani obligohen Drejtoria për Urbanizëm dhe Mbrojtje të Mjedisit, Drejtoria për Shërbime Publike, Drejtoria për Ekonomi, Bujqësi dhe Zhvillim Rural.

3. Pjesë përbërëse e këtij vendimi është Plani Lokal për Veprim në Mjedis për Komunën e Vushtrrisë 2022-2026.

4. Ky vendim hyn në fuqi pesëmbëdhjetë (15) ditë pas regjistrimit në Zyrën e Protokollit në Ministrinë e Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

13. Shqyrtimi i Propozim – vendimit për shfuqizimin e vendimit të Kuvendit të Komunës të Komunës së Vushtrri me numër të protokollit Nr.236/20 i datës 26.11.2020 për caktimin e lokacionit për ndërtimin e objektit të Kryqit të Kuq Dega në Vushtrri;

**Pas shqyrtimit të kësaj pike të rendit të ditës, Kuvendi pas votimit me 18 vota “për”, vendosi me sa vijon:**

1. Me këtë vendim shfuqizohet Vendimi 01.Nr.236/20, dt.26.11.2020, për caktimin e lokacionit për ndërtimin e objektit të Kryqit të Kuq-Dega në Vushtrri, në pjesë të parcelës kadastrale P-K4103-1, në sipërfaqe prej 250 m<sup>2</sup>, nga sipërfaqja e përgjithshme prej 5696 m<sup>2</sup>, Zona Kadastrale Vushtrri, pronë e Kooperativa Bujqësore në Vushtrrisë.

2.Me këtë vendim njoftohen Drejtoria për Shëndetësi dhe Mirëqenë Sociale, Drejtoria për Gjeodezi, Kadastër dhe Pronë dhe Drejtoria për Urbanizëm dhe Mbrojtjen e Ambientit.

3.Ky Vendim hynë në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe shtatë (7) ditë pas publikimit në faqen zyrtare të Komunës së Vushtrrisë.

**14. Shqyrtimi i Propozim – vendimit për caktim të lokacionit për ndërtimin e objektit të Kryqit të Kuq;**

**Bekim Zabërgja, anëtar i kuvendit**-propozoi që kjo pikë e rendit të ditës të shtyhet për mbledhjen e radhës, pasi që kërkesa e parashtruar nga përfaqësuesit e Kryqit të Kuq është e mangët, nuk i plotëson kriteret që duhet ti ketë një kërkesë, kjo për faktin se këta të fundit kanë kërkuar, ndarjen e një prone prej 5 ari sipërfaqe tokësore, por nuk kanë prezantuar projekt për ndërtimin e këtij objekti, nuk kanë dorëzuar planë ideor dhe paramasë dhe parallogari. Më pas paraqiti vërejtjet e tij edhe tek Drejtoria për Pronë, e cila nuk ka përcaktuar saktë se në cilën pjesë të kësaj parcele do të ndërtohet ky objekt.

**Remzi Ahmeti, drejtor i DGJKP-së**-tha se duhet të bëhen analiza urbanistike për sa i përket kësaj çështje dhe më tej të procedohet kjo çështje për aprovim.

**Ali Januzi, anëtar i kuvendit**-kërkoj që të jepen sqarime nga Drejtoria e Pronës, e cila ku gjendet ai lokacion që po mendohet të jepet për ndërtimin e objektit të Kryqit të Kuq, si dhe të jepen karakteristikat për lidhur me këtë parcelë, ashtu që të kemi një mendim të saktë para se të votojmë këtë çështje.

**Shpëtim Zhegrova, nënkryetar i komunës**-sqaroi se kanë pasur takim me përfaqësuesit e Kryqit të Kuq të Kosovës, dhe janë të pajtimit që atyre tu ndahet një lokacion për ndërtimin e një objekti të ri për zhvillimin e veprimtarisë të kësaj organizate. Tutje arsyetoj se Drejtoria e Pronës nuk ka arritur të bëjë si duhet identifikimin dhe ndarjen fizike të asaj prone, nga tërësia në sipërfaqe të caktuar që nevojitet për ndërtimin e atij objekti. Andaj kërkoj mirëkuptimin e kuvendit që kjo pikë të shtyhet për mbledhjen e radhës me të dhëna të sakta të ndarjes fizike të parcelës.

**Në fund të diskutimit lidhur me këtë pikë të rendit të ditës, Kuvendi pas votimit me 14 vota “për”, 2 vota “kundër” 1 votë “abstenim” vendosi që propozim-vendimi për caktim të lokacionit për ndërtimin e objektit të Kryqit të Kuq, të shtyhet për mbledhjen e muajt janar 2023.**

**15. Shqyrtimi i Propozim – vendimit për ndryshimin e vendimit me numër të protokollit Nr.192/22 i datës 28.07.2022, për zhvillimin e projektit me bashkëfinancim;**

**Pas shqyrtimit të kësaj pike të rendit të ditës, Kuvendi pas votimit me 17 vota “për”, 1 votë “abstenim” vendosi me sa vijon:**

1. Me këtë vendim, ndryshohet dhe plotësohet vendimi i Kuvendit të Komunës 01Nr.192/22, dt. 28.07.2022, pika 2 e vendimit dhe formulohet me tekst si në vijim: **“Mjetet financiare të cekura në pikën 1 të vendimit bazë do të merren nga buxheti i zyrës së kryetarit të komunës, kategoria subvencione dhe transfere, ndërsa pjesa tjetër e mjeteve do të sigurohen nga participimi i qytetarëve të atij lokaliteti”.**

2. Për zbatimin e këtij vendimi obligohen Drejtoria për Buxhet dhe Financa dhe Zyra e Kryetarit të komunës.

3. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë për Administrimin e Pushtetit Lokal, si dhe 7 ditë pas publikimit në faqen Zyrtare të komunës së Vushtrrisë.

16. Shqyrtimi i Planit të Punës së Këshillit Komunal për Siguri në Bashkësi për vitin 2023;

**Pas shqyrtimit të kësaj pike të rendit të ditës, Kuvendi pas votimit me 18 vota “për”, aprovoj Planin e Punës të Këshillit Komunal për Siguri në Bashkësi për vitin 2023.**

17. Shqyrtimi i Deklaratës që Lulëkuqja me Katër Petale të bëhet simbol i gjenocidit në Kosovë;

**Pas shqyrtimit të kësaj pike të rendit të ditës, Kuvendi pas votimit me 17 vota “për” 1 votë “kundër” aprovoj këtë:**

### **DEKLARATË**

1. Kuvendi i Komunës së Vushtrrisë përkrah dhe mbështet idenë respektivisht kërkesën e Qendrës “Gjenocidi në Kosovë-Plagë e Hapur”, që Lulëkuqja me katër petale, të jetë simbol i viktimave të gjenocidit në Kosovë dhe kështoj lulëkuqja me katër petale të bëhet simbol unik i përkujtimit të gjenocidit në Kosovë.

2. Kuvendi i Komunës konsideron që katër petalet e Lulëkuqes, në logon e dizajnuar paraqesin qartë katër format e akteve gjenocidale që Serbia zbatoi në Kosovë: vrasjen, dhunën seksuale, spastrimin etnik dhe shkatërrimin e objekteve që lidhen me përkatësinë etnike dhe identitetin shqiptar.

**Vushtrri,**

**29 dhjetor 2022**

**Mbledhja përfundoi në ora: 14:40.**

**Bastri Duraku**

  
Procesmbajtës

**Melihate Basholli-Latifi**

  
Kryesuese e Kuvendit